



REAL
ACADEMIA
GALEGA



II CERTAME DE MICRORRELATOS CONVOCADO POR PUNTOGAL E A REAL ACADEMIA GALEGA

A ASOCIACIÓN PUNTOGAL e A REAL ACADEMIA GALEGA organizan conxuntamente un concurso de microrrelatos que ten como obxectivo reforzar a presenza da lingua e da identidade propias no mundo dixital.

BASES

1. Participación

- a) Poderán concursar todas as persoas que o desexen, calquera que sexa a súa nacionalidade.
- b) Os menores de idade deberán acompañar o microrrelato dunha autorización do pai, nai ou titor/a legal.

2. Sobre os textos/microrrelatos

- a) Os relatos deberán estar escritos en lingua galega, ser orixinais e inéditos.
- b) O tema dos microrrelatos é libre.
- c) Cada participante poderá presentar un máximo de dous microrrelatos.
- d) As obras terán como máximo 200 palabras (título incluído), que poderán acompañarse de imaxes, ligazóns ou vídeos.
- e) Os textos presentaranse co seguinte formato: .docx, Arial, 12 puntos, interliñado 1,15.

3. Normas sobre o envío de textos

- a) Os microrrelatos enviaranse por correo electrónico ao enderezo actividades@academia.gal
- b) No correo deberá figurar como asunto: Certame de microrrelatos. Infantil/Xuvenil/Adultos (a categoría que corresponda), e acompañarase de dous documentos (A e B) en formato .docx.
 - **Documento A.** Nomearase co **Título do microrrelato** e conterá o texto do microrrelato sen sinatura e baixo un pseudónimo.
 - **Documento B.** Nomearase do seguinte xeito: **Título do microrrelato-Pseudónimo**, e conterá os datos persoais da persoa concursante: nome e apelidos, enderezo postal, correo electrónico, teléfono e copia dixital do DNI.
- c) No caso de que o concursante sexa menor de idade, xuntarase a maiores unha autorización asinada polo pai, a nai ou o/a titor/a legal cos seus datos correspondentes (pódese descargar un modelo en i.gal/E9xex).



- d) Os relatos recibidos sen identificación ou con identificación incompleta quedarán automaticamente eliminados do concurso.

4. Período de presentación

O prazo para a presentación de textos estará aberto desde as 00:01 horas do xoves 1 de febreiro ata as 23:59 horas do mércores 28 de febreiro de 2019.

5. Categorías

Establécense tres categorías

- Infantil: ata 11 anos
- Xuvenil: de 12 a 17 anos
- Adultos/as: a partir dos 18 anos

6. Premios

- a) Distribuiranse tres premios por cada unha das categorías

Infantil

- Primeiro premio: Lego Boost, un lote de libros, un dominio gratuito .gal durante un ano e *merchandising* de PuntoGal.
- Segundo premio: un lote de libros infantís, un dominio gratuito .gal durante un ano e *merchandising* de PuntoGal.
- Terceiro premio: un lote de libros e *merchandising* de PuntoGal.

Xuvenil

- Primeiro premio: Play Station 4, un lote de libros, un dominio gratuito .gal durante un ano e *merchandising* de PuntoGal.
- Segundo premio: Kindle, un lote de libros, un dominio gratuito .gal durante un ano e *merchandising* de PuntoGal.
- Terceiro premio: un lote de libros e *merchandising* de PuntoGal.

Persoas adultas

- Primeiro premio: Un MacBook Air 13.3 SG/1.6GHZ, un lote de libros, un dominio gratuito .gal durante un ano, *merchandising* de PuntoGal e un lote de publicacións da revista *Luzes*.
- Segundo premio: un Kindle 6wifi negro ou modelo similar, un lote de libros, un dominio gratuito .gal durante un ano, *merchandising* de PuntoGal e un lote de publicacións da revista *Luzes*.
- Terceiro premio: un lote de libros, *merchandising* de PuntoGal e un lote de publicacións da revista *Luzes*.



- b) O dominio gratuíto entregarase cun código de desconto que se poderá permutar nun rexistrador indicado por PuntoGal. No caso dos menores o dominio será rexistrado polo pai, nai ou titor/a legal.
- c) A organización reserva o dereito a cambiar o premio da promoción por outro de igual ou superior valor cando concorra causa xustificada. Non se poderá substituír o premio polo seu valor económico nin cederse a outra persoa distinta da gañadora.
- d) Os modelos e as características concretas dos dispositivos que forman parte dos distintos premios poden consultarse na web www.asociacion.gal.

7. Xurado

- a) O xurado estará formado por dous membros da Real Academia Galega, dous membros da Asociación PuntoGal e un membro do comité de redacción da revista *Luzes*. Terá facultades plenas para decidir as persoas gañadoras e a súa decisión será inapelable. Poderá declarar deserto algún dos premios se así o considera. A composición deste farase pública canda a resolución do premio.
- b) O xurado reserva para si o dereito a non admitir aqueles microrrelatos que atenten contra os dereitos á intimidade, á honra e á propia imaxe de terceiros ou que conteñan, a modo enunciativo pero non limitativo, connotacións racistas, sexistas e/ou discriminatorias, comentarios obscenos, difamatorios ou calquera outros que atenten contra a dignidade e/ou a orde pública.

8. Comunicación do resultado do certame

- a) A decisión do xurado darase a coñecer o día 22 de abril de 2019 a través dunha nota de prensa que se incorporará nas páxinas web das entidades convocantes, www.academia.gal e www.asociacion.gal, e nas súas redes sociais.
- b) A organización remitirá por correo postal certificado os premios ás persoas gañadoras nun prazo máximo de 60 días laborables dende a publicación da decisión do xurado.

9. Publicación

- a) A organización do certame publicará os microrrelatos gañadores nas súas páxinas web e nas redes sociais. Igualmente, a revista *Luzes* publicará os relatos gañadores e unha escolma doutros textos presentados ao concurso.
- b) Coa participación no certame, os/as autores/as autorizan a organización do certame, sen contraprestación ningunha e de maneira expresa, a



**REAL
ACADEMIA
GALEGA**



reproducir (total ou parcialmente), comunicar publicamente (total ou parcialmente) e distribuír (total ou parcialmente) os seus microrrelatos en calquera forma ou soporte, para todo o mundo e no prazo que autorice a lexislación vixente. A organización respectará, en todo caso, os dereitos morais que os/as autores/as posúan sobre as súas obras.

10. Tratamento de datos persoais

En cumprimento do previsto na Lei Orgánica 15/1999, de 13 de decembro, de Protección de Datos de Carácter Persoal (LOPD) e o Real Decreto 1720/2007, de 21 de decembro, polo que se aproba o Regulamento de desenvolvemento da LOPD, os datos das persoas participantes serán incorporados a un ficheiro responsabilidade de PuntoGal e da Real Academia Galega, coa única finalidade de xestionar os premios desta promoción e de contactar coas persoas gañadoras para enviarlles os premios. En ningún momento se empregará esta información para posteriores promocións.

Os autores e autoras poderán exercer os seus dereitos de acceso, rectificación, oposición e cancelación mediante escrito ao correo electrónico info@dominio.gal ou á Dirección Xeral PuntoGal, apartado de correos 55, 15.780 - Santiago de Compostela.

PuntoGal e a Real Academia Galega comprométense a tratar en todo momento os seus datos de carácter persoal de forma absolutamente confidencial e de acordo coas finalidades previstas nas presentes bases.

11. Observacións

- a) A organización do certame ten a capacidade de decidir sobre a interpretación das bases en última instancia ou sobre a súa modificación en caso de erro sendo a súa decisión inapelable.
- b) O feito de participar neste certame implica a total aceptación das súas bases.